



ЗАМАНИ



Газета издається на балкарском языке с 1924 года

Интернет-версия: gazeta.zamankbr.ruКЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

Кенгеш

Акъылбалыкъ болмагъанланы аманлыкъдан сакълауэза энчи эс бургъандыла

КъМР-ни Башчысы **Казбек Коков** Къабарты-Малкъар Республикада Право низамны жалчытыу жаны бла дайым ишлеген координациялы кенгешни бла Экономика эмда жамауат къоркъуусузлукъ жаны бла советни жыйыллары бирге бардырганды.

Кенгешге КъМР-ни Правительствосуну Председатели **Мусукланы Алий**, КъМР-ни Башчысыны Администрациясыны таматасы **Мухамед Кодзоков**, РФ-ни Президентини СКФО-да толу эркинликли келечисини аппаратыны баш федерал инспектору **Тимур Макоев**, правительствону къаууму, министрле, муниципал къуралыулары администрацияларыны башчылары, право низамны сакълауу эмда надзор органланы бла кюч структураланы таматалары къатышхандыла. Жыйылыуда муниципал рай-

онлада бла шахар округлада, билим беруу учреждениялада да аманлыкъчылыкъны тыйыуу юсюнден селешингенди. Белгиленгенча, саулай алгъанда, аманлыкъ ишле, бузукълукъла азая барадыла. Анга уа ведомстволаны араларында бирге ишлеуно къыйматыны ёсгени, дагъыда муниципалитетле да ишлерин тирилгенлери себеплик этгенди. Анга да къарамай, республиканы оючусу муниципал комиссияланы барысында да право низамны сакълауу жаны бла ишни кючлендирирге буюрганды.

Акъылбалыкъ болмагъанланы аманлыкъ этиуден сакълауу, шоклада юйретуу ишни игилендируно мадарларына энчи эс бурулганды. Сёз устазладан бла юйретуучюледен жуапылыкъны бютюн къаты сурауу, осал къылыкълары сабийле болуш-



лукъну къыйматын кётюрюноу, ол иште «Жигитли сабийлери» деген проектни да хайырланууу юслеринден барганды. КъМР-ни Жарыкъландыруу эмда илму министерствосу билдиргенге кёре, «Машук» билим беруу арагъа 150 устаз осал къылыкълары сабийле бла ишлеуде сынауларын ёсдюрююу ючюн деп жиберилгенди. Республикада дагъыда сабийле окуудан солугъан кезулеринде турурча жый лагерле къурауу жаны бла да мадарла этиле турадыла.

«Гитче эмда орта предпринимательлик бла предпринимательлик жаны бла башламчылыкъга тутхучулукъ этиу» миллет проект къалай толтурулганына да къаралганды. Аны баш магъанасы – хунерликлерине кёре кеслерине иш къурагъанлагъа тап онгла къурауду, предпринимательлик ишни айнытыуу. КъМР-ни Экономиканы айнытыуу министерствосу билдиргенге кёре, регионда быйыл кеслери алларына иш къурагъанланы саны ёсгенди, бюгонлюкде

алай предпринимательле 66 мингден асламдыла. Гитче эм орта бизнесни субъектлерини санына да къошулганды. Анга уа административ тыйгъычланы азайгъанлары эмда предпринимательлик башламчылыкъга къыралны тутхучулукъ этгени да болушханды.

КъМР-ни Башчысыны
Правительствосуну
пресс-службасы.

Жыйылыу

Ал жанында — ишчи жерле къурау, безимлеге тюрлениуле кийириу

Ызы бла КъМР-ни курортла эм туризм министри **Мурат Шогенцук** селешгенди. Ол туристле аслам жокълагъан жерледе къоркъуусузлукъну жалчытыуу эмда бла ведомстволары аралы комиссияны къауумуна тюрлениуле кийирирге кереклисин айтханды. Нек дегенде комиссияны къауумуна кирген бир нечча адамгъа андан чыгъаргъа тыюгенди. Аны себепли анга жангы специалистлени къошууу магъанасы уллуду. «Республикалы бюджетден къоранчла болукъ тюрлюдюле», – деп чертгенди министр. Жыйылгъанла аны тилегин къабыл кюргенди.

КъМР-ни финансла министрини къуллугъун толтургъан **Къалабекланы Азамат** сёз берилгенде, бюгонлюкде КъМР-ни Правительствосуну бир-бир актларыны болумлары кючлерин

Тюне КъМР-ни Правительствосуну кезуило жыйылыуу ётгенди. Аны ишин премьер-министр Мусукланы Алий бардырганды. Кенгешде министрстволаны ишлеринде жууукъ кезуиде тамамланырга керек болгъан жумушланы сюзгендиле эм ала бла байламлы тийишли оноула этилгенди.

Бек алгъа КъМР-ни жаш тёлону ишлери жаны бла министри Азамат Люев Кёп функциялы жаш тёлу араны кадрла бла жалчытыуу бла байламлы сорууну сюзоллюклени къауумуна къошарларын тилеген эди да, Мусукланы Алий эм битёу жыйылгъанла анга ыразылыкъларын билдирген эдиле.

тас этгенлерин билдиргенди. Андан сора КъМР-ни къурулуш эм жашау журт-коммунал мюлк министри **Алим Бербеков** ветеранлары, инвалидлери эм сакъат сабийлери болгъан юйюрлени араларында жашау журт бла жалчытылынмагъанланы бирикдирилген тизмесине тюрлениуле кийириуно юсюнден доклад этгенди. Ол билдиргенча, КъМР-ни Правительствосуну буйругъуна кёре,

алагъа юй алыр ючюн быйыл субсидияла бёлонюрюкюде.

– Тийишли документле Черек эм Бахсан районланы администрацияларындан келген къагъытлагъа кёре жарашдырылгандыла. Бу жумушлагъа ахча федерал бюджетден бёлонюрюкюде, – деп чертгенди докладчы.

Кенгешге къатышханла анга ыразылыкъларын билдиргендиле.

Ахырында КъМР-ни жаш тёлону ишлери жаны бла министри Азамат Люев, башда айтылганыча, Кёп функциялы жаш тёлу араны кадрла бла жалчытыуу бла байламлы сорууну кётюргенди.

– Аны иши тийишли даражада тамамланыр ючюн энтта да 14 специалист керекди. Алай бла анда ишлегенлени саны 51 адам болуукъду. Аны себепли КъМР-ни Правительствосуну 2022 жылда 24 октябрьде чыгъарылгъан 549-чу номерли буйругъуна тюрлениуле кийириуно къабыл кётюрююгюзно тилейме, – деп билдиргенди министр.

Мусукланы Алий эм башхала да, келтирилген шартлагъа тынгылап, ыразылыкъларын билдиргенди.

ТАППАСХАНЛАНЫ Аминат.

Жазылыу-2023



Энтта да онг барды

ХУРМЕТЛИ ЖАМАУАТ!
Сиз 2023 жылны экинчи жарымына «Заман» газетте бир тюрюу сылтаула бла жазыламлы къалган эсвеси, халны тозетирге онг барды. **25 август** ала интернетде бу адресни <https://podpiska.pochta.ru/press> ачып, ол магъаналы жумушуну алай тамамларга болуукъду, сора ана тилибизде чыкъган газетни **1 сентябрьден** алып башларыкъсыз.

Жазылыуу багъасы:
тёрт айгъа-546 сом 6 капек
юч айгъа- 409 сом 95 капек

БИЗНИ ИНДЕКСИБИЗ – П 5893

Махтаулу упанларыбыз

Къудайланы Хасан 1918 жылда Кёнделенде туугъанды. Энде жетижыллыкъ школну бошагъандан сора Нальчикде педагогика рабфакда окугъанды. Аны бошп къайтханда, аны комсомолчу жыйыннга башчыгъа айыргъандыла. 1937 жылда малкъар колхоз-совхоз студиягъа адамла сайлай айланганды, Акъайланы Къасым тойну-оюнуу сыйген жарыкъ жашны анда окугъгъа, ишлерге айыргъанды.

**Ахшыланы игиликлериди
жашау чархын бурдургъан**



4 бет

Тау эл

Холам-Бызынгы аууздун бир кере кюрген, бери къайтмай къалмаз. Ёрге, эннише ётгенле Тыжынты сууну къатында бир кесек мычымай, шаудан суудан ичмек кетмейдиле. Ол тийре, нек эсе да, кесине тартады. Аны сууу да башхалагъа ушамайды, бек сууукъ эсе да, тамагъынгы аурутмайды, кесин ичиртип турады.

Унутулмазлыкъ жолоучулукъ



9 бет

Тюзионлей эфир

Спорт бла
кюрешир амалланы
юсюнден айтханды

КЪМР-ни спорт министрине орунбасары Аналаны Аслан ДЗУР бардырган тюзионлей эфирде битеу берилген соруулагда толу жууаплаганды.

Бизни жерлешлерибиз эм алгъа спорт бла кюреширге жангы амалланы юслеринден сора эдиле. Аналаны Аслан биринчи сентябрьге шендююлю патиборьяны спорткомплекси ачылыгынын билдиргенди. Ол сегиз минг квадрат метрине алады, бир смнеде спорткомплексе жюз бла кырк адам жаруу эталлыкдыла. Аны уллу спортзалыны узунлугу кырк эки метр, кенлиги уа жыйырма бла төрт метр боллукъду, трибунасына да көп адам сыйынырыкды. Бу мекамда лазер сауутдан атарча тир эм тренажер зал да боллукъдула.

Аналаны Аслан кырауусуз юйорледен сабийле спорт бла кюреширча битеу амалла кыралганын чертгенди. Спорткомплексе элли метр узунлугу болгъан бассейнде сабийлени юйретуу дерсле хахсыз бардырылыкдыла, фехтованиягъа, атыугъа жюриюенле да ахча төлерик туююлдюле.

Аслан Хусейнович арт жыллада спорт бла кюрешгенлени саны ёсгенин чертгенди, министерство халкыны сауулугун спортну хайыры бла игилендирер ючюн кышумчулукъ этеди.

Дагыда Ана улу тюзионлей эфирде «Бизнес – спринт (Мен спортну сайлама)» деген федерал проектин юсюнден айтханды. Аны чеклеринде Кенделен элде Кыраллыккыны кюнюне «акылы» майдан ишлеп башларыкды, дагыда тюз аллай биринчи сентябрьге Чегемде ачылыкды. Экиине да элли эки миллион сомгъа оборудование алыннганды, монтаж а жер-жерли бюджетледен этилинеди. Быллай майданда бир жолгъа жюз адам спорт бла кюрешаллыкды.

Жангы спорт мекамланы юслеринден соруугъа жууап бере, министрине орунбасары арт төрт жылда республикада алтымыш бир объект ишленнгенин чертгенди. Аладан элли төртюсю спорт мекамладыла, отуз төртюсю майданладыла, онекине ГТО майданладыла, экине мини-футбол талалдыла, ючюсю ачык спорт мекамладыла, ючюсю уа футбол майданладыла.

Уллу спорт эришуилени юслеринден да айтылганды тубешиуде. Бизни спортчуларыбыз алагъа тири кытышадыла. Сёз ючюн, СНГ-гъа кирген кыралланы экинчи оюнларына эм сурдлимпийчилени (кылаклары бла байламлы кыяулары болганла) «Биз биргебиз. Спорт» деген оюнларына Кыбарты-Малквардан спортчула кытышандыла, бийик жетишимле кёрюзгендиле, алтын эм кюмюш майдалла алып, кыуанын кытайхандыла. Аналаны Аслан айтханга кёре, бизни республикада сакъатла спорт бла кюреширча онгла бардыла.

БАЙСЫЛАНЫ Марзият.

Хурметлеу

Сексен жылдан сора атасыны
майдалын жашы аллыкъды

Газаланы Къарайны жашы Магомет Уллу Ата журт урушну кези-уюнде «Ленинградны кыоруулагъаны ючюн» майдалгъа тийишли болгъан эди. Алай анга шагъатлыкъ этген кыагыт а берилмей кыалгъан эди. 80 жылгъа жууукъ заман озгъандан сора майдалны удостверениясы Магометни жашына берилликди.

«КЪМР-ни Эсгеруу китабында жазылганыча, Уллу Ата журт урушдан Газаладан онсегиз адам кыайтмай кыалганды. Бизни тинтиу ишибиз а Магометге жораланады», – деп жаздыла излеу-тинтиу ишлени дайым бардырып тургъан Ахмед бла Дина Нахушевла.

Ала тапхан шартлагъа кёре, Газа улу 1901 жылда Шкантыда (бусагытта Огъары Малквар) туугъанды. Аны юйдегиси Хуболланы Хажибекирни кызы Марзият эди. Магомет фронта кетгинчи аланы беш сабийлери болгъанды: Лейля, Сакинат, Ибрагим, Мурадин эмда Буллах.

Газаланы Магомет Уллу Ата журт урушха дери колхозда малчы болуп урунганды. 1941 жылда уруш башланнганда уа, аны Черек районну аскер комиссариатыны чакъырууу бла фронтха жибереди. 268-чи жау дивизияны ёлген эмда белгисиз тас



болгъан аскерчилерини юслеринден 1943 жылны 26 мартындан 11674-чо номерли билдируге кёре, 268-чи жау дивизияны 214-чо энчи пулемёт батальонуну кызыл аскерчиси Газаланы Магомет 1943 жылны 12 январында Ленинград областада белгисиз тас болгъанды (тизмед 19-чуду). Магометни тукъуму жазылгъан тизмеде аны юй бийчесини да аты барды – Газаланы Марзият. 268-чи жау дивизияны 214-чо энчи

пулемёт батальонуну командири 1943 жылны 14 мартында Магометни юй бийчеси Марзиятны аты бла Черек районнга кыагыт жибереди. Анда баш иесини ёлгенини юсюнден билдире эди. Анга кёре Газаланы Магомет Ленинград областыны Всевожск районуну Дубровка элинде, «Часовня» эсгермеден узакъ бармай асыралганды.

«Магометни жашын – Газаланы Буллахны – биз Хасанияда тапханбыз. Ол ишде бизге Газаланы Байдуллахны жашы Масхут улу себеплик этгенди. Буллахны аты бла биз тийишли документле жыйышдырып, РФ-ни Кыоруулау министрствосуну кадрла жаны бла управлениасына письмо жазгъанбыз. Анда Газаланы Магометни этген жигитлиги ючюн берилген майдалгъа шагъатлыкъ этген кыагытны берилерин тилегенбиз. Бизни ол тилегибиз кыабыл кёрюлгенди.

Уллу Ата журт урушну кезиуюнде майдалгъа неда орденнге тийишли болуп, берилмей кыалгъан саугъаланы излеуерибизден бири аны бла бошалгъанды. Магометни жашы Буллахгъа «Ленинградны кыоруулагъаны ючюн» майдалны шагъатлыкъ кыагыты жууукъ заманда берилликди», – деп жазгъандыла Ахмед бла Дина Нахушевла.

Люба АДИЛОВА.

Сынау

Магъанасы – устазланы усталыкъларын ёсдюрюу

Озгъан орта кюн эрттенликке сагъат жетиде Нальчикни темир жол вокзалына «Педагогика экспресс» деген ат бла энчи состав келгенди. Ол «Уллу перемена» эмда «Жолоучулукъдан эсе кёп» деген коммерциялы болмагъан организацияла бирге кыурагъан жолоучулукъду. Ол Россейде Устазны бла насыятчыны жылыны чеклеринде бардырылады. Къонакыла РФ-ни 55 регионундан 76 адам болуп келгендиле. Ала мында эки кюн тургъандыла эмда ишлегендиле, республиканы айбат, тарых магъаналы жерлерин кёргендиле. Бахсан тарына, Минги тауну этегине баргъандыла, канат жол бла Гара-Башиге дери чыкыгъандыла.

«Бу биринчи «Педагог экспресс» бир бирибизге иш сынауубуздан юлюш этиуде, аны бла бирге билимини ёсдюрюуге эмда маданият кёз-кырамыбызны кенгертирге да себеплик этген алаамат амалды. Дагыда Ата журтубузну ариу, тарых магъаналы жерлерин кёребиз, жигитлерини, айтхылыкъ адамларыны юслеринден хапарлы болабыз. Ол а ишибизде бек хайрылыды», – дегенди Нижний Новгород областыны Выкса шахарында 3-чо номерли мектепни директору Вера Ботина. Ол айтханга кёре, жолоучулукъгъа кыатышхан устазла «Большая перемена» кыурагъан конкурслада хорлагъанладыла, кыралны бек иги педагоглары-практиклерини кыауумдандыла. «Ала фахмулу сабийле бла ишлеу, уллу жюреклерине жол таба би-



лиу жаны бла усталыкълары бла да айырмалы болгъандыла», – деп кыошханды.

ЭСГЕРТИУ: «Уллу перемена» Россейни сабийлери бла жаш тёлуюсюно «Биринчилени атламыры» биригуулерини проектиди. Анга Жаш тёлуюю ишлери жаны бла федеральный агентство себеплик этеди.

Ол кюн тюшден сора уа проектеге кыатышханла 33-чо номерли мектепге келгендиле. Анда болгъан ишге КЪМР-ни жарыкъландыруу эмда илму министри **Анзор Езаов**, КЪМР-ни жаш тёлуюю ишлери жаны бла министри **Азамат Люев**, «Биринчилени атламыры» битеуроссей биригууно КЪМР-де бёлуююно

башчысы **Аслан Шипшев**, республиканы бийик окуу юйлерини бла колледжлерини преподавательлери, устазла, окуучула, студентле да кыатышхандыла.

Къонакъланы алгышлай, Анзор Езаов былай дегенди: «Бизни республикагъа Россейни кёп регионларындан коллегаларыбызны келгенлери бек хычыуун кёрюнгенди. Мында болгъан кюнлеригиз эсигизде бир алаамат кезиуча кыаллыгына ишексизме. Бир бирибизге айтыр, юйретир затларыбыз а бардыла».

Жюрекден баргъан сёзлерин къонакылагъа Азамат Люев да айтханды. Тубешиуну чеклеринде къонакыла мындагы окуу-

учула, устазла бла да билим беруу жаны бла мастер-классла кыурагъандыла, сёлешуле бардыргъандыла, соруулагда жууапла берилгендиле.

Бийыл устазладан кыурагъан «Кавказны жаухары» деген экспресс да биринчи кере жолгъа атланарыкды. Анга 90-дан аслам адам киреди. Поезд Москвагъа Адыгге Республиканы ара шахары Майкопда, Ингушетияны Магас, Назран, Осетианы Владикавказ, Чечен Республиканы Грозный шахарларында да тохтай-тохтай барлыкды.

ХОЛАЛАНЫ Марзият.

Иппу



Мамукъну ёсдюрюрге алланып

Къабарты-Малкъар кырал университетни бла Эл мюлк институту республикада бёлюмюню алмилери Терк районда мамукъну бай тирлик берген тюрлюсюн сынау халда ёсдюрюп башлагъандыла.

Бизни кыралда мамукъ ёсдюрюю жангычылыкъ тийюлдо. Аны Уллу Ата журт урушну кезиуоне дери да ёсдюрюп тургъандыла. Болсада, ол Орта Азияда иги ёсгени ючюн, аны толусунлай ары кёчюргендиле. Совет Союз чачылгъандан сора уа, кыралны кумач сокъган предприятияларына сырьёну тыш кыралладан алырга тюшгенди. Бююнлюкде Россейни Юг регионларында мамукъну кенг жайып башларга таукелдиде.

– Проектни баш магъанасы – экономиканы айнытуугъа, импортну алышындыруугъа къошумчулукъ этиудю. Экинчи сылтау уа – хауа болумгъа кёре эл мюлк битимлени аслам ёсдюрюю бла файда алыргады.

Россейде, ол санда Къабарты-Малкъарда, мамукъну ёсдюрюю бла байламлы тыйгычыла бардыла. Бусагъатда алмле алыны кетерип мадарла излейдиле. Бююнлюкде юлколени биринде жыйырма тугул чагъады. Ол иги кёрюмдюю. Алай келир заманда аны кёбейтирге иги онгла бардыла, бёлюмге инвесторла да эс бурлулкълары баямды. Мамукъ

ёсдюрюю саулай Шимал-Кавказ федерал округну субъектлерине кыйматлы боллукъды.

Юлколени чапырактарындан окъуна алыны халлерин билирге боллукъды. Бир бла жарым айдан биринчи тирликни жыйып башларыкъбыз, ол кезиуде аны халине да эс буруллукъды, – деп билдиргенди АПК-ны регион экономика жаны бла арасыны таматасы Амирзан Занилов.

КъМР-ни Эл мюлк институтуна агрохимия эм жерни тинтиу жаны бла лабораториясына башчылыкъ этген Аслан Лешкенов айтханда кёре, мамукъну «Фаворит» тюрлюсю иги чакъгъанды. Жуюукъ заманда ол баш къусуп башларыкъбыз. Юлколени тамырлары жерге иги сингендиле, суу бла тынгылы жалчытылында эл тюрлю-тюрлю къркыууладан да сакъланадыла.

Эсге сала айтсакъ, мамукъ магъаналы эл мюлк битимге саналады. Ол экология жаны бла къркыуусузду, ол санда аллергияны да къркыуулайды. Аны женгил промышленностидан сора да, химия, аш-азык, фармацевтика бёлюмледе да тири хайырланадыла. Андан ракеталагъа отлукъ, порох эм ккагъыт ахчала этедиле. Аны бла бирге кёп производствода аны алышырга жарарча зат алыкъа жокъды.

КУРДАНЛАНЫ Сулейман.

Итинулюк

Аны хунерине ышанадыла

Жыл сайын да жашларыбыз бла кызыларыбыз мектеплени жетишимли бошاپ, жореклери излеген усталыкъларга юренир ючюн окъуугъа кирселе, аллай жаш тёлбюзюню барлыгына барыбыз да кыуанабыз. Быйыл Чегем районну Хушто-Сырт элини Гыжгъланы Зейтун атлы битеулю билим берген школун а тёртеулен тауусхандыла. Аланы араларында окъууда жетишимлери эмда ариу кылыгы ючюн алтын майдалгъа уа Шахмырзаланы Арсен тийишли болгъанды.

Ол гитчелигинден бери хар нени да билирге суйгени, кесин ариу журютгени бла да айырмалы болгъанлай келгенди. Мектепде дерслеринде иги окъугъаны, жетишимли болгъанындан сора да, аны жамауат ишине да тири къатышханлай тургъанды. Тюрлю-тюрлю эришуледе, олимпиадалада, конкурслада алчы жерлени да алгъанды.

Сёз ючюн, 2021 жылда ана тилден бла адабиятдан «Тилбизни билгичлери» атлы район даражалы эришуде биринчи жерни алып, Сыйлы грамотагъа, ахча саугъагъа да тийишли болгъан эди. Хунерли жашны жерибизни жер-суу атларын тинтип жазгъан иши да магъаналы эмда сейир болгъанды. Аны физикагъа, сурат ишлеуге, техникагъа да суймеклигин белгилерчады.

Былтыр «Мени туугъан жерими ызылары» деген конкурсда Арсен бизни атабабаларыбыз бурунгу заманда тауу юйлени къалай ишлегенлерини юсюнден жазып эмда кюлю бла ишлеп кёрюзтген проектти бла республикабызны атын Москвада да айтдыргъанды эмда энчи диплом бла да саугъалангъанды.

Дагыда ол, Уллу Хорламы 72-жыллыгына атап бардырылган «Уруш мени юйюрюмю тарыхында» деген район даражалы конкурска илму-тинтиу иш хазырлап, анда биринчи жерни алгъанды.

«Жигитликни юсюнден сени сёзюнг» атлы адабиятчыгъармачылыкъ жаны бла эришуно «Юйор альбомгъа къарай» деген бёлюмюнде да биринчи орунга чыккыгъанды. 2021 жылда

Аны техникагъа, машинаны жыйргъа, жашауун инженер усталыкъ бла байламлы этерге суймеклиги уа Арсени Къабарты-Малкъарны автомобиль-жол колледжини машиналары двигательлерине бла электрон системаларына ремонт этерге юйретген бёлюмюне



Арсен анасы Аслижан бла.

Чегем районда «Жылны окъуучусу» деген даражалы ат да анга берилгенди. «Палитра ремёсел» Битеуроссей конкурсха уа ол тирмен да ишлеген эди.

Арсен кюлдан кёп затха хунери болгъан жаш эди. Сварка этеди, суу, ток да тартады, плитка салады, обойлары жабышдырады. Билмеген, ангыламагъан затын атаасы Зуфардан сорады. Ол а мектепде технологиядан окъутады.

Анасы Аслижан да математикадан устазды. Ол а: «Машинаны берип кыйсанг, бек суйюп чачарыкъды», – деп коледди. Ол бу ишни уллу сейири, итинулюгю бла этгенин черте, арда машинаны таушун эшитсе, андан уллу зауукълукъ тапханын да айтады.

окъурга келтиргенди. Ол бегирек кюлю бла ишлерге излегени ючюн эм алгъа усталыгыны эбине колледжде тюшююр акъылдады. Арда бийик билим алып, ызы бла уа машиналагъа ремонт этиу жаны бла иш ачар мураты да барды.

Айырмалы кюл хунери болгъан жаш усталыкъ сайлауунда кесини жорек излемине кёре тохташанды. Аны себепли биз да келир заманда ол кесини атын иги бла айтдырып, жетишимли да болур деген умутдабыз. Аны ангылауна бююнлюкде окъуна ышана эселе, ол билимин ёсдюрге, жамауатха бютюнда бек жарарыгъы да баямды.

ТРАМЛАНЫ Зухура.

Эл мюлк



Бадыражанладан – бай тирлик

Прохладна районну мюлклеринде бадыражаны жыйып кюрешедиле. Отуз тонна сыйынган машина 40 минутха толтурулады. Кюн сайын бахчаладан 2 500 тонна тирлик жыйылады. Алай бла кезиуонде томатдан 150 минг тонна чакълы алынады.

Къабарты-Малкъарда бадыражанланы 50 минг чакълы бирин ёсдюрюп башлары жабылгъан жерледе башлайдыла, ызы

бла ачыкъ бахчалагъа орнатадыла. Ол санда танг кесеги Прохладна районда да салынады.

Жыйылгъан тирликни кёбюсю тамат паста этилирге ашырылады. Аны жарашдыргъан заводла терк ишлерча мадар этилгенди. Аны хайыры бла бир сагъатны ичинде бахчадан келтирилген тахта кётелден хазыр продукция чыгарырга онг барды.

Бахчалада да бай тирлик алырга битимни жангы амаллагъа кёре ёсдюрюге болушады. Аны хайыры бла арт заманда тирликни санына къошулгъанды эм качествосу да игилендирилгенди.

Татлы нартох жарашдырылады

КъМР-ни Эл мюлк министерствосундан билдиргенлерича, бу кюнде республиканы предприятияларында тахта кётелден консервала хазырлап кюрешедиле. Ол санда татлы нартохден да 7,7 миллион чакълы банка хазыр этилгенди.

Бусагъатда регионда аны жарашдырып бир завод ишлейди. Быйыл ол



анга 2 минг гектар чакълы бир жер бёлгенди, неда былтырдан эсе иги да кёп. Ол себепден хазыр продукцияны санына танг кесек къошулугъу эм иги файда тюшериги да баямды.

Татлы нартохден консервалагъа Къабарты-Малкъардан тышында да сурам уллуду.

Орта эсеп бла алып айтханда, республикада консерва продукциядан 13-15 проценти татлы нартохге жетеди.

Учаргъа чек салынады

Эл мюлк бла кюрешгенлери эслерине сала айтсакъ, Къабарты-Малкъарны Башчысыны быйыл 24

майда къабыл этилген буйругъуна тийишлиликде адамсыз учхан аппаратланы хайырлануугъа болжаллы халда чек салыннганды.



Анга кёре, алыны къауум заманны республикада учурурга жарамайды. Алай эркинлик жаланда закон бла хайырланган кырал власть органлагъа, жер-жерли самоуправниагъа, ведомствалагъа, организациялагъа эм тийишли халда келишимлери болгъан башха субъектлеге бериледи.

МАГОМЕТЛАНЫ Сулейман хазырлагъанды.

Бараз кюн, кыркыяр ай, 23

ТВ

05.00 «Доброе утро»
09.00, 12.00, 15.00, 03.00 Новости
09.20 «АнтиФейк» (16+)
10.00 «Жить здорово!» (16+)
10.50, 12.15, 15.15, 16.50, 18.30 Информационный канал (16+)
16.00 «Мужское/Женское» (16+)
18.00 Вечерние новости
19.55 «Куклы наследника Тутти» (16+)
21.00 «Время»
22.00 Т/с «СЕМНАДЦАТЬ МГНОВЕНИЙ ВЕСНЫ» (16+)
23.15 «Большая игра» (16+)
00.15 Д/с «Вызов». О фильме, покоришем космос (12+)
00.25, 01.10, 01.50, 02.30, 03.05, 03.15, 03.50, 04.25 Подкаст. Лаб (16+)
04.20 «Контрольная закупка» (6+)

Россия 1

05.00 «Утро России»
09.55 «О самом главном». Ток-шоу (12+)
11.00, 14.00, 16.00, 20.00 Вести
11.30, 17.30 «60 минут». Ток-шоу (12+)
14.55 Т/с «ГОДУНОВ» (16+)
21.20 Т/с «СПАССКАЯ» (16+)
23.30 Курская дуга. 80 лет Победы. Концерт-посвящение
01.10 «Вечер с Владимиром Соловьевым» (12+)
03.50 Т/с «СЕМЕЙНЫЙ ДЕТЕКТИВ» (16+)

ТВ

04.50 Т/с «УЛИЦЫ РАЗБИТЫХ ФОНАРЕЙ» (16+)
06.30 «Утро. Самое лучшее» (16+)
08.00, 10.00, 13.00, 16.00, 19.00, 23.20 «Сегодня»
08.25, 10.35 Т/с «ПЕС» (16+)
13.25 «Чрезвычайное происшествие»

14.00 «Место встречи»
16.45 Т/с «ЗИМОРОДОК» (16+)
20.00 Т/с «АНОНИМНЫЙ ДЕТЕКТИВ» (16+)
23.40 «Путь бойца» (18+)
01.30 Т/с «БРАТАНЫ» (16+)

ТВ-Центр

06.00 «Настроение»
08.25 Х/ф «ИСПРАВЛЕННОМУ ВЕРИТЬ. ПАУТИНА» (16+)
10.25 Д/ф «Клара Лучко и Сергей Лукьянов. Украденное счастье» (16+)
11.30, 14.30, 17.50, 22.00, 00.00 События
11.50 Т/с «СТАЖЕРЫ» (16+)
13.40, 05.20 «Мой герой» (12+)
14.50 Город новостей
15.00, 03.15 Т/с «АНАТОМИЯ УБИЙСТВА» (16+)
16.55 Д/ф «Леонид Филатов. Искушение грехов» (16+)
18.10 Х/ф «КОЛОДЕЦ ЗАБЫТЫХ ЖЕЛАНИЙ» (16+)
22.35 «Формула успеха» (16+)
23.05 Д/ф «Курская битва» (16+)
00.30 «Петровка, 38» (16+)
00.45 Д/ф «Хроники перелома. Ельцин против Горбачева» (16+)
01.25 «Знак качества» (16+)
02.05 Д/ф «Гражданская война. Забытые сражения» (12+)
02.45 «Осторожно, мошенники!» (16+)
04.45 Д/с «Короли эпизода» (16+)

ОТР

ПРОГРАММА 1 КБР
06.00 «Новости. Утро. 1КБР» (16+)
06.10 «МузИстория» (12+)
06.50 «Золотые звезды Кабардино-Балкарии». Герой Советского Союза М. Машкауцан (12+)
07.00 «Новости. Утро. 1КБР» (16+)
07.10 «Даты и история» (12+)
07.25 «Тайм-аут». Спортивная программа (12+)

5

05.00, 09.00, 13.00, 17.00 «Известия» (16+)

программа (12+)
07.40 «Позиция» (12+)
08.00 «Новости. Утро. 1КБР» (16+)
08.10 «Адрес будущего». Профессия-ветеринар (12+)
08.40 «Кухняшки». Детская кулинарная программа» (6+)
09.00, 09.30, 10.00, 13.00, 14.00, 15.00 Новости
09.05, 09.35 Отражение-1
10.10, 11.35, 22.35 Т/с «ОТТЕПЕЛЬ» (16+)
11.05 «Календарь» (12+)
12.30 «Человек и судьба» (12+)
13.10, 14.05 Отражение-2
15.10 Х/ф «МАГНИТНЫЕ БУРИ» (16+)
16.40 «Курская дуга. Максимальный масштаб». Оборона (12+)
ПРОГРАММА 1 КБР
17.00 «Новости 1КБР» (16+)
17.10 «Женский портрет». Руководитель регионального отделения Комитета семей воинов Отечества Карина Орехова (12+)
17.45 «Профессия - журналист». Задин Маремов (12+)
18.05 «Арена молодых». Карина Докшова (12+)
18.35 «Актуальная тема» (16+)
18.45 «Новости 1КБР» (16+)
19.00 Новости
19.20 Отражение-3
21.00 Х/ф «В СОЗВЕЗДИ БЫКА» (16+)
00.30 Д/ф «Живописный гимн Отечеству» (12+)
01.25 Отражение. Главное (12+)
04.25 «Большая страна» (12+)
05.15 «Песня остается с человеком» (12+)
05.30 Д/ф «Книжные аллеи. Адреса и строки». Петербург Курпина

5

05.00, 09.00, 13.00, 17.00 «Известия» (16+)

05.25 Т/с «ПОДСУДИМЫЙ» (16+)
09.30, 13.30 Т/с «АЛЕША» (16+)
14.00 Т/с «МОРСКИЕ ДЬЯВОЛЫ» (16+)
17.30, 02.40 Т/с «СЛЕД» (16+)
21.25 Т/с «СВОИ-5» (16+)
22.20 Т/с «СВОИ-3» (16+)
00.00 «Известия. Итоговый выпуск» (16+)
00.30 Т/с «СВОИ-4» (16+)
03.55 Т/с «ПРОКУРОРСКАЯ ПРОВЕРКА» (16+)

Россия К

06.30 «Пешком...»
07.05 Легенды мирового кино
07.35, 16.15 Д/с «Репортажи из будущего»
08.15 «Жизнь и судьба»
08.45 Х/ф «РЫЖИЙ, ЧЕСТНЫЙ, ВЛЮБЛЕННЫЙ» (16+)
10.00, 12.30, 17.00, 19.30 Новости культуры
10.15 Д/ф «Случай Понтекорво»
11.00 Х/ф «СТРАТЕГИЯ РИСКА» (16+)
12.15 Д/с «Забытое ремесло»
12.45 «Рассказы из русской истории»
14.20 Д/с «Первые в мире»
14.35 Х/ф «ВОЗВРАЩЕНИЕ БУДУЛАЯ» (16+)
15.45, 01.55 Д/ф «Роман в камне»
17.15 Музыка эпохи барокко. Дмитрий Синьковский
17.50 Д/ф «Архипелаг Земля»
18.45, 01.15 «Острова»
19.55 Письма из провинции
20.25 Спектакль «Обыкновенная история»
22.45 Д/ф «Чистая победа»
23.30 Курская дуга. 80 лет победы. Концерт-посвящение
02.25 Д/с «Запечатленное время»

МИР24

ПРОГРАММА 1 КБР
06.00 «Новости. Утро. 1КБР» (16+)
06.10 «Новые километры» (12+)
06.20 «Жашу алайды...»

(«Такая жизнь...») (балк. яз.) (12+)
07.00 «Новости. Утро. 1КБР» (16+)
07.10 «Тайм-аут». Спортивный вестник (12+)
07.25 «Китая тапкада» («На книжной полке»). О новых изданиях книжного издательства (балк.яз.) (12+)
08.00 «Новости. Утро. 1КБР» (16+)
08.10 «Адрес будущего». Пожарный (12+)
08.40 «Щэблэ узышнэ». «Здоровое поколение». Врач-педиатр Ляна Жигунова (каб.яз.) (12+)
09.10 «Кухняшки». Передача для детей (6+)

ПРОГРАММА 1КБР
17.00 «Новости 1КБР». Информационная программа (16+)
17.10 «Спортмайдан» («Спортплощадка») (балк.яз.) (12+)
17.30 «Арена молодых». Ахмед Аутлов (12+)
18.10 «Ретроспектива». «Танзлия» (12+)
18.20 «Льагьуньгэм и макъамэ» («Мелодии любви») (каб.яз.) (12+)
19.00 «Новости» (т/к «Мир-24») (16+)
19.30 «Новости 1КБР». Информационная программа (16+)
19.45 «Песня далекая и близкая» (12+)
20.25 «Тэгъэщанлэ» («Акцент») (каб.яз.) (12+)
20.55 «Сыйлы къонакъ» («Наши гости») (балк.яз.) (12+)
21.30 «Актуальная тема» (16+)
21.40 «Новости 1КБР». Информационная программа (16+)

Орта кюн, кыркыяр ай, 24

ТВ

05.00 «Доброе утро»
09.00, 12.00, 15.00, 03.00 Новости
09.20 «АнтиФейк» (16+)
10.00 «Жить здорово!» (16+)
10.50, 12.15, 15.15, 16.50, 18.30 Информационный канал (16+)
16.00 «Мужское/Женское» (16+)
18.00 Вечерние новости
19.55 «Куклы наследника Тутти» (16+)
21.00 «Время»
22.00 Т/с «СЕМНАДЦАТЬ МГНОВЕНИЙ ВЕСНЫ» (16+)
23.15 «Большая игра» (16+)
00.15 Д/с «Вызов». О фильме, покоришем космос (12+)
00.25, 01.10, 01.50, 02.30, 03.05, 03.15, 03.50, 04.25 Подкаст. Лаб (16+)

Россия 1

05.00 «Утро России»
09.55 «О самом главном». Ток-шоу (12+)
11.00, 14.00, 16.00, 20.00 Вести
11.30, 17.30 «60 минут». Ток-шоу (12+)
14.55 Т/с «ГОДУНОВ» (16+)
21.20 Т/с «СПАССКАЯ» (16+)
23.25 «Вечер с Владимиром Соловьевым» (12+)
02.05 Т/с «ТАИНЫ СЛЕДСТВИЯ» (16+)
03.55 Т/с «СЕМЕЙНЫЙ ДЕТЕКТИВ» (16+)

ТВ

04.40 Т/с «УЛИЦЫ РАЗБИТЫХ ФОНАРЕЙ» (16+)
06.30 «Утро. Самое лучшее» (16+)
08.00, 10.00, 13.00, 16.00, 19.00, 23.20 «Сегодня»
08.25, 10.35 Т/с «ПЕС» (16+)
13.25 «Чрезвычайное происшествие»
14.00 «Место встречи»

16.45 Т/с «ЗИМОРОДОК» (16+)
20.00 Т/с «АНОНИМНЫЙ ДЕТЕКТИВ» (16+)
23.40 «Путь бойца» (18+)
01.15 Т/с «БРАТАНЫ» (16+)

ТВ-Центр

06.00 «Настроение»
08.25 Х/ф «ИСПРАВЛЕННОМУ ВЕРИТЬ. ПАУТИНА» (16+)
10.30 Д/ф «Екатерина Васильева. На что способна любовь» (16+)
11.30, 14.30, 17.50, 22.00, 00.00 События
11.50 Т/с «СТАЖЕРЫ» (16+)
13.40, 05.20 «Мой герой» (12+)
14.50 Город новостей
15.00, 03.15 Т/с «АНАТОМИЯ УБИЙСТВА» (16+)
16.55 Д/ф «Анна Герман. Страш ницетъ» (16+)
18.15 Х/ф «ЖДИТЕ НЕОЖИДАННОГО» (16+)
22.35 «Формула успеха» (16+)
23.05 Д/ф «Курская битва» (16+)
00.30 «Петровка, 38» (16+)
00.45 Д/ф «Удар властью. Муаммар Каддафи» (16+)
01.25 Д/ф «Страшно красивый» (16+)
02.05 Д/ф «Гражданская война. Забытые сражения» (12+)
02.45 «Осторожно, мошенники!» (16+)
04.40 Д/с «Короли эпизода» (16+)

ОТР

ПРОГРАММА 1 КБР
06.00 «Новости. Утро. 1КБР» (16+)
06.10 «Актуальная тема» (16+)
06.20 «Поэзия звезд». Литературно-музыкальная программа (12+)
07.00 «Новости. Утро. 1КБР» (16+)
07.10 «Профессия - журналист». Задин Маремов (12+)

5

05.00, 09.00, 13.00, 17.00 «Известия» (16+)
05.25 Т/с «ПОДСУДИМЫЙ» (16+)
09.30, 13.30 Т/с «НА БЕЗЫМЯННОЙ ВЫСОТЕ» (16+)

07.30 «Арена молодых». Карина Докшова (12+)
08.00 «Новости. Утро. 1КБР» (16+)
08.10 «Легенда о девятих Восток писе». Спектакль Русского госдрамтеатра им. М. Горького (12+)
09.00, 09.30, 10.00, 13.00, 14.00, 15.00, 19.00 Новости
09.05 Отражение-1
9.35 Отражение-1
10.10Т/с «ОТТЕПЕЛЬ» (16+)
11.05 «Календарь» (12+)
11.35 Т/с «ОТТЕПЕЛЬ» (16+)
12.30 «Свет и тени» (16+)
13.10, 14.05 Отражение-2
15.10 Х/ф «В СОЗВЕЗДИ БЫКА» (16+)
ПРОГРАММА 1 КБР
17.00 «Новости 1КБР» (16+)
17.10 «Учимся вместе» (12+)
17.40 «Адрес будущего». Профессия - радиоведущий (12+)
18.15 «Творческие встречи». Поэт, переводчик Ирина Ермакова, г. Москва (12+)
18.35 «Служба 02 сообщает...» (16+)
18.45 «Новости 1КБР» (16+)
19.20 Отражение-3
21.00 Х/ф «ЖДИТЕ ПИСЕМ» (16+)
22.35 Т/с «ОТТЕПЕЛЬ» (16+)
00.20 Д/ф «Булгаков. Этот мир - мой!» (16+)
01.25 Отражение. Главное (12+)
04.25 «Большая страна» (12+)
05.15 «Песня остается с человеком» (12+)
05.30 Д/ф «Книжные аллеи. Адреса и строки». Петербург Крестовского (12+)

5

05.00, 09.00, 13.00, 17.00 «Известия» (16+)
05.25 Т/с «ПОДСУДИМЫЙ» (16+)
09.30, 13.30 Т/с «НА БЕЗЫМЯННОЙ ВЫСОТЕ» (16+)

14.00 Т/с «МОРСКИЕ ДЬЯВОЛЫ» (16+)
17.30, 02.40 Т/с «СЛЕД» (16+)
21.25 Т/с «СВОИ-5» (16+)
22.20 Т/с «СВОИ-3» (16+)
00.00 «Известия. Итоговый выпуск» (16+)
00.30 Т/с «СВОИ-4» (16+)
03.55 Т/с «ПРОКУРОРСКАЯ ПРОВЕРКА» (16+)

Россия К

06.30 «Пешком...»
07.05 Легенды мирового кино
07.35, 16.15 Д/с «Репортажи из будущего»
08.15 «Жизнь и судьба»
08.45 Х/ф «РЫЖИЙ, ЧЕСТНЫЙ, ВЛЮБЛЕННЫЙ» (16+)
10.00, 12.30, 17.00, 19.30 Новости культуры
10.15 Д/ф «Чистая победа»
11.00 Х/ф «ЖЕЛЕЗНЫЕ ИГРЫ» (16+)
12.15 Д/с «Забытое ремесло»
12.45 «Рассказы из русской истории»
13.50, 23.45 Д/с «Первые в мире»
14.10 «Эрмитаж»
14.35 Х/ф «ВОЗВРАЩЕНИЕ БУДУЛАЯ» (16+)
15.45 Д/ф «Роман в камне»
17.15, 00.45 Музыка эпохи барокко. «Перселл-гала». Жан Тюбири и ансамбль La Fenice
18.30 Цвет времени
18.45, 01.55 «Острова»
19.45 Письма из провинции
20.15 Д/ф «Встреча на Курской дуге»
20.55 «Спокойной ночи, малыши!»
21.10 Спектакль «Правда - хорошо, а счастье лучше»
00.00 Т/с «СТРАЖА» (16+)
02.40 Д/с «Забытое ремесло»

МИР24

ПРОГРАММА 1 КБР
06.00 «Новости. Утро. 1КБР» (16+)
06.10 «Песня далекая и близкая» (12+)
06.50 «Актуальная тема» (16+)

07.00 «Новости. Утро. 1КБР» (16+)
07.10 «Спортмайдан» («Спортплощадка») (балк.яз.) (12+)
07.30 «Тэгъэщанлэ» («Акцент») (каб.яз.) (12+)
08.00 «Новости. Утро. 1КБР» (16+)
08.10 «Арена молодых». Ахмед Аутлов (12+)
08.50 «Льагьуньгэм и макъамэ» («Мелодии любви») (каб.яз.) (12+)
09.25 «Нарт хыбархэ» («Сказания о нартах») (каб.яз.) (6+)

ПРОГРАММА 1КБР
17.00 «Новости 1КБР». Информационная программа (16+)
17.10 «Ууаз». Духовно-просветительская программа (балк.яз.) (12+)
17.40 «Уи пщэр уи луэушцафэрш» («Дело чести»). Доктор биологических наук Эдуард Бесланев (каб.яз.) (12+)
18.20 «Музистория» (12+)
19.00 «Новости» (т/к «Мир-24») (16+)
19.30 «Новости 1КБР». Информационная программа (16+)
19.45 «Служба «02» сообщает» (16+)
20.00 «На страже здоровья». Хирургическое отделение РДБ (16+)
20.30 «Уэрэд шцаусыр» («О чем слагают песни»). Композитор Джабраил Хаупа (каб.яз.) (12+)
21.10 «Жыр минчакъла» («Музыкальные бусинки») (балк.яз.) (12+)
21.40 «Новости 1КБР». Информационная программа (16+)

Байрым кюн, кыркыяр ай, 25

05.00 «Доброе утро»
09.00 12.00 15.00 Новости
09.20 «АнтиФейк» (16+)

(16+)
00.00 «Своя правда» (16+)
01.50 «Инфошита» (16+)
02.20 Т/с «БРАТАНЫ» (16+)

Россия 1

05.00 «Утро России»
09.55 «О самом главном». Ток-шоу (12+)
11.00 14.00 16.00 20.00 Вести

ТВ-Центр

06.00 «Настроение»
08.25 11.50 Х/ф «КОЛОДЕЦ ЗАБЫТЫХ ЖЕЛАНИЙ» (16+)

НТВ

04.50 Т/с «УЛИЦЫ РАЗБИТЫХ ФОНАРЕЙ» (16+)

ОТР

06.00 «Новости. Утро. 1КБР» (16+)
06.10 «Служба 02 сообщает...» (16+)

10.10 Д/ф «Великие шедевры строительства». Лурд, огромный санктuariй (12+)
11.05 «Календарь» (12+)
11.30 Х/ф «ВЕРСИЯ ПОЛКОВНИКА ЗОРИНА» (16+)

03.45 Т/с «СВОИ-2» (16+)
04.20 Т/с «УСЛОВНЫЙ МЕНТ-3» (16+)
Россия К
06.30 «Пешком...»
07.05 Легенды мирового кино

08.00 «Новости. Утро. 1КБР» (16+)
08.10 «На страже здоровья». Хирургическое отделение РДБ (16+)

Шабат кюн, кыркыяр ай, 26

06.00 Телеканал «Доброе утро. Суббота»
09.45 «Слово пастыря» (0+)
10.00 12.00 Новости

09.20 «Едим дома» (0+)
10.20 «Главная дорога» (16+)
11.00 «Живая еда» (12+)

Россия 1

05.00 «Утро России. Суббота»
08.35 «По секрету всему свету»
09.00 «Формула еды» (12+)

ТВ-Центр

04.55 Х/ф «ДЕДУШКА» (16+)
06.40 «Православная энциклопедия» (6+)

архитектуры, строительства и дизайна КБГУ. Передача первая (12+)
07.10 «След в жизни». Вечер памяти профессора, доктора филологических наук, литературоведа Нины Штенгуцкой (16+)

03.55 «Сделано с умом». Климент Тимирязев. Ученый, который понял, как неживое превращается в органику (12+)
04.20 Х/ф «ОКРАИНА» (16+)

06.40 «Гуашэм фильм пылщ» («По труду и чести»). Заслуженный работник физической культуры КБР Замир Голлачев (каб.яз.) (12+)

КыМР-де Россия радио

«Жангылыкка» (каб., малк., орус тил) 11.30, 13.10, 16.10, 18.10
ПОНЕДЕЛЬНИК, 21 августа
07.10 «С утра пораньше». Информационно-музыкальный канал (каб., балк., русс. яз.)

ОТР

07.10 «С утра пораньше». Информационно-музыкальный канал (каб., балк., русс. яз.)
08.10 К 100-летию Расула Гамзатова. «Литературные встречи» (балк. яз.)

17.00 «Хочу купить Вашего мужа». Спектакль Русского государственного театра им. М. Горького (12+)

05.00 Т/с «УСЛОВНЫЙ МЕНТ-3» (16+)
17.45 Т/с «СЛЕД» (16+)
01.00 «Известия. Главное» (16+)

07.50 «Нальчик кечеле» («Нальчские вечера»). Музыкальная программа. Аслан Биев (балк.яз.) (12+)

ВТОРНИК, 22 августа

07.10 «С утра пораньше». Информационно-музыкальный канал (каб., балк., русс. яз.)

ОТР

07.10 «С утра пораньше». Информационно-музыкальный канал (каб., балк., русс. яз.)

08.10 «С чего начинается театр?». Каб. яз.
08.40 Год педагога и наставника. «Профессия». Нуржан Атакуева (балк. яз.)

11.45 «Адыгские тамги». Беседы с историком. (каб. яз.)
13.25 «Изда проходит, а стиль остается»

18.25 Из золотого фонда радио (каб. яз.)
18.30 «Спортна мелница» (каб. яз.)
18.45 «Читая вместе» (балк. яз.)

Холам-Бызынгы аузун бир кере көргөн, бери кыайтмай кыалмаз. Мен кесим да аны ариулугундан тоялмайма. Бир жол а ары кыарындашларымы Екатеринбургдан келген шүөхлары бла бирге кыауум адам болуп барабыз. Арабызда кыабартылыла да бардыла. Кыонакыла Бызынгы элли тарыхындан, аны адамларынган да хапар сорадыла. Кыарындашларым, көбюрөк билгенлери себепли, ала бла ушакъ этип келедиле. Бабугентге кирген жерде Мечиланы Кязим хажини эсертмесини аллында тохтап, аны юсюндөн да хапар айтабыз. Андан иги кесек озгъанлай, Кыара-Суугъа жетебиз.

Жолда бара, биринчи чучурну, таудан чыкыган Тыжынты сууну кыатында тохтайбыз. Ёрге, энишге ётсек да, алайда бир кесек мычмай, шаудан суудан ичмей кыалмайбыз. Ол тийре, нек эсе да, кесине тартады. Аны суу да башхалагъа ушамайды, бек сууукъ эсе да, тамагынгы аурутмайды, кесин ичиртип турады. Нёгерлерибиз аны жаратып, шешалагъа да кыуоп аладыла. Аны бла бирге уа Холам-Бызынгы аузуу жомакыгъа ушагъан сейирлик жер болгъанын кыатлап-кыатлап айтадыла.

Жабо кыаланы көргенлеринде уа: «Муну бурун замнада кыалай ишлеген болурла адамла, – деп, уллу сейирге кыаладыла. – Ала нечик жигерле эдиле,

Тау эл

Унутулмазлыкъ жолоучулукъ

Сурат репортаж

бу таугъа ол кыадар ташны ташып, кыала ишлегенле», – дейдиле.

Алай эте Бызынгыгъа жетебиз. Орамлары тар эселе да, элли ичинде тизгинлилик эсленеди. Бахчалада кыара дугъум, алмала, картоф, быхы, сарымсах, дагыда кёп битим эллек ёседиле. Элли ара орамы бла бара, жол жанларыда жашаулары келген эр кишиле, тиши-рыула да, кюн тууушда олтуруп, хапар айта турадыла, бирлери уа эшиулерин да бардырадыла. Арпакъ озуб а – элли ара майданы. Анга майдан деп айтырча да тойюлдо, болсада токен, амбулатория, эл администратция, клуб, мектеп да алайдадыла. Ыразылыгы болгъанла, кафеге кирип, аузланып кетерге боллукъдула. Анда алыкъа тылпыу эте тургъан жылы юй гыржын, чай, кофе, быз-быз эте тургъан айран бла да сыйлайдыла.

Угъай-угъай дей эсенг а, элде кыайсы юйге кирсенг да, тау адетдеча, кыонакыбайлыкъ этип ашырлыкъ-дыла. Кече да кыалдырырла. Мында кичи абаданнга намыс берген, аны бла атдан тышюп сёлешген адетди.

«Нечик иги элди бу, мени мында бир юйюм болса, бек сюерик эдим», – дейди кыонакыладан бири. Мен: «Кыаяларыбыз, тёшлерибиз, черек эмда гара сууларыбыз, хауаны тазалыгы кимни да кесине мукуладисча тартадыла», – деп, Бызынгыда болгъан бир кюнюмю хапарын айтама: «Бир жол Бызынгыда жууукъларыбызгъа барама. Кече тышына чыгып, кёкге кыарагъанымда, анда жулдузла асыры кёпден, сейирге кыалама. Алагъа кыолунгу узатханлай жетип кыаллыкъча, алай жууукъ кёрюнгендиле.

Экинчи кюн эрттенликде уа «Бызынгы» альпинист лагерге атланган эдик. Жол жанында ёсен кызыл, кёк, жашил, сары гюлледен кийизни көргенимде уа, машинадан чыгып, андан ары барлыкъым келмей тохтагъанды».

Хапарымдан сора, кыонакыла да кёрюрге сойдюле табийгъатны ол гюллю кийизлерин. Биз, элде кёпге мычмай, алгъа атланабыз. Насыпха, жууукъларыбыздан бири Шыкыгъа машинасы бла элтеди. Жол артык алаамат тойюлдо, ол а будуман болуп чыгъады ёрге. Анда уа анабызны ата юйюню жарты оюлгъан хунасы, атабыз бла анабыз ишлеген школну кыабиргъалары, Мечиланы Кязим хажини юйю-музейи, гюрбежиси да бардыла. Алагъа да кёз жетдирип, ичлерине кирип, кёрюп, дагыда энишге тошебиз.

Жаш бизни андан ары альплагерь таба баргъан жол бла элтеди. Жылны июль айыны биринчи онкюнлюгюю. Ол заманда алыкъа талада кырдык чалынмайды. «Чалгычыла бир онбир-океки кюнден чыгарыкыдыла былайлагъа. Ол заманнга гюлле да чагып бошарыкыдыла. Сиз тап заманда тигелегенсиз бу ариулукъну кёрюрге», – дейди жаш.

Бу тамашалыкыны кыалай чалыргъа боллукъду,



деп мудахланама. Нёгерлерибиз а, зауукълыкъ ала, Ахкёбекланы Шаманны кыошуна дери барып, тохтап, алайда жарагъан айран да ичип, шилликле бла да сыйланып, таза тау хауа, черек сууну да татып, алаамат уллу чучурну да кёрюп, ингир белги бере башлагъанда, артха атланабыз. Кетип бара уа, энди бу ариулукъну мен кыачан келип кёрюк болурма деген акылы барыбызны да башыбызны бийлеп, тынгылап келгенбиз.



Китапханада

«Сабийле окъуйдула – ол алааматды!»

Жай айла солургъа, ойнаркъа, китапла окъургъа да алаамат заманды. Терк Интернет болгъанына да кыарамай, китап сойгенлени саны алыкъа да кёпдю. Сабийлени араларында да аллайла аслам болгъанлары кыуундырады. Мектепчилени бир кыауумна соргъанымда, иги кесеги каникулланы кезиуонде китапла окъуп тургъанларыны юсюндөн ёхтемлик бла айтхандыла.

Алайды да, битеу дунияда да Китапны сойгенлени кюню бошдан тохташдырмагъанды. Бу кюнледе анга жораланып, Кыара-Сууну китапханасында «Салам алейкум, китап!» деген ат бла ариу жарашдырылгъан кёрмюч кыууралган эди. Ары келгенде анда кёп сейирлик китапланы көргендиле, кыолларына алып окъургъа да онг тапхандыла.

Эл китапхананы таматасы Махийланы Зухура жашчыкыланы бла кыызчыкыланы китапла бла шагъырейлендиргенди, ала адамланы кёп затха юйретгенлерин, ол санда бир бирге халал жүрекли, жумушакъ болургъа, аяргъа керек болгъанына тышюндюргенлерин айырып айтханды. Аны бла да кыалмай, элберле берип, жууапла да алгъанды. Аланы кеси

башлап, ахырын а сабийле айтхандыла.

Ахырында уа Зухура Махийладан Маратха бла Аминнге, Кючмезланы Алинагъа, Чофанладан Назиягъа бла Танзилягъа, Шауаланы Анжелагъа, Гайыланы Амирге, Мечиланы Тамерланнга, Хочуланы Исламгъа, Туменладан Рахимгъа бла Илхамгъа китапланы барысында да кёп окъугъанлары ючюн ыспас этгенди. «Гитче тау элде китпны сойген кыызчыкыла бла жашчыкыла кёп болгъанлары кыуундырады. Сабийле окъуйдула – ол алааматды!» – дегенди ол.

Махийланы Зухура китапха не кыадар кёп сабий табыныр ючюн, кёп тюрлю мадарла этеди. Сёз ючюн, элли кыызчыкылагъа бла жашчыкылагъа жазыучу Михаил Зоценкону 120-жыллыгына жораланган тюбешиу кыурагъанды. Авторну китапларындан алаамат кёрмюч тапка да жарашдыргъанды. Жазыучуну жашау эмда чыгъармачылыкъ жолу бла шагъырейлендиргенди. Тюбешиуно асыры иги кыурагъандан, сабийле анга кыулакъ салып тынгылагъандыла, кёп затны да билгендиле.

Бетни басмагъа **ХОЛАЛАНЫ** **Марзият** хазыргъанды.



Жангычылык

Мада Пятигорск шахарда турист слёт этген эди. Анга Минги тауну этегинде жашаган гид Алена Гирина да кыатышанды. Аны чеклеринде «Жаш экскурсовод» деген проектти юсюнден да сөз барганды.



Огъурлу башламчылык

– Бу алаамат башламчылыкны жашауда бардырыу бек мағаналыды. Анга кыатышыр онглры 8–17–жыллыкъланы барды. Биогюнкде биз аны жашауда бардырыуға энчи эс белебиз, – деп билдиргенди Алена Сергеевна.

Проектни ишин а аны бла бирге Элбрус элден Хаджиланы Назилия бла Дамиля

бардырадыла. Ала бу тийреге солургъа келген туристлени таулуаны миллет тепсеулери, кыол чыгъармачылыкълары, хазналары, аш-суу байлыкълары бла шагъырей этгенлей турдыла. Бу кюнде да ала Санкт-Петербурдан келген леде болуп, хычинле кыалай этилгенлерин кёргюзгендиле. Кыонакыла Назилия эм Дамиля бла бирге кеслери да скойгендиле бу жумушка кыатышыргъа.

Алёна Гирианы оюмуна кёре, сабийлени быллай жумушка кыатышдырыу бек мағаналыды.

– Ала абданлача ётюрюк айта билмейдиле. Тазадыла. Хар нени да болгъаныча ачыкылайдыла. Бу кызычыкыла да проектни тутуругъудула деп айталыкыма. Россейни тамблагы кюно быллай жаш тёлюдо. Аны ариу халлы, таза ниетли ёсдюрюю бизни кыолубуздады, – деп чертгенди ол.

«Жаш экскурсовод» деген проект алыкыа жаланда бизни регионда бардырылганын белгилерчады.

ТАППАСХАНЛАНЫ Аминат.

Къайгырыу

Жорукъланы эслерине салгъандыла

Кёп болмай Къабарты-Малкъарны ариу эм сейир турист жолларындан биринде къоркыу сузлукъну жорукъларын эске салыну акциясы бардырылганды. Аны чеклеринде къырал автоспекцияны Чегем районда бёлюмюно келечилери кеси транспортлары бла жолочулукъну сайлагъанлага төбегендиле.

Ала кёп заманны ичинде жолну кыдыргъан саулукъға къоркыу суз болмагъанын ангылатхандыла. Аны ючюн бир жерде тохтап солусала, эм алгъадан маршрутларын ити ойлап чыкысала, кёп торлю хатадан сакъланырыкъларын да эслерине салгъандыла.

Аслам эс акыылбалык болмагъан пассажирлени къоркыу сузлукъларына бурулганды. Полициячыла сабийле энчи шинтикледде олтурургъа эм баула бла да кыысылыргъа тийишли болгъанларын белгилегендиле. Аны бла бирге трассалы тийрелеринде эм кыйын тау жоллада сактылыкны ботюн унутмазгъа чакыргъандыла.



Автоспекторла юйренмеген адам кыая бетледе, жарланы кыйырларында да ачыргъа боллугъун, аны ючюн машинала азыракъ жорюген жерледе айланыргъа кереклисин эсгертгендиле.

Ахырында полициячыла уллулагъа эм гитчелеге да жорукъланы бузмазларын, къоркыу суз турист жолланы сайларларын эсгертп, авариясыз юйлерине жыйылырларын тежегендиле.

Ахча

Кыйматлы салымла

Россельхозбанкга ахчаны энди юаньлада да салыр онг барды, деп билдиредиле аны КъМР-де бёлюмонден.

Алай бла банк 14 августдан башлап адамланы ахчаларын энди юаньлада да саклап башлагъанды. «Хайырлы» амалны сайлагъанлага кыытай ахчаға кёчюрюлюп салынган сомла жыгъа 2,8-3 процентте кёбейридикле. Аны юч айдан аз

кезиуге салыргъа жарамайды кеси да 1000 юандан аз болмазгъа керекди. Алай ахчаларын онлайн халда ётдюргенлеге ол ёлчём 300 юань болады. Ол жумушну интернет-банкны бла Мобиль банкны ослери бла толтурургъа да боллукъду.

Толу хапар билриге сойгенле банкны бёлюмлеринде, сайтында эмда 8-800-100-0-100 телефон номер бла сёлеширге боллукъдула.

Оюн 25 августда Къулийланы Къайсын атлы Малкъар къырал драма театрд кёргюзтюлкюдо.

19:00 сагъатда башланырыкыды.

Соруулары болгъаны бу телефон номерлеге сёлешсинле: 8-928 708-44-09; 8-963 281-21-45.

Театр

Сахнада – чам, оюн, кюлкю

Къулийланы Къайсын атлы Малкъар къырал драма театр сахна искусствону суйгенлени А. Айларовну пьесасына кёре салынган «Къара жин» деген комедиягъа чакырады.

Бушуу

Чыпчыкъланы Магометни кызы Мадина



Къабарты-Малкъар Республиканы маданиятына уллу бушуу сынаргъа тюшгенди. КъМР-ни маданиятыны сыйлы кыулукъчусу Чыпчыкъланы Магометни кызы Мадина дуниядан кетгенди. Ол бек сейир инсан эди, аллайла биогюнкюде аз тубейдиле, ала бла тубешиуле уа жюреке унутумазлык жарык ысла кыоядыла. Мадина Магометовна жашауну суйген, жарык кёллю, адамлагъа ийнанган, бийик интеллигентлиги бла профессионалыгы болгъан инсанладан эди.

КъМР-ни Маданият министрствосунда, ызы бла Къабарты-Малкъарны халкъ чыгъармачылыгыны эм культурпросвет ишини методика арасында уруна, ол чыгъармачылык бла жюрешген кёлпени тийишли ыгъа турууларына себеллик этгенди, ол адамла арта Къабарты-Малкъарда, андан тышында да жетишимли болгъандыла.

Чыпчыкъланы кызылары республикада халкъла аралы, битеуроссей эм республикалы маданият-асламлы жыйылыула къуралган кезиуледе биринчи сатырлада болганды эмда

тындыргъан жумушу ючюн сыйнамысха тийишли эди.

Ол башхалагъа жарсий билгенледен эди, кыатындагъыла болушлукъ тапдырыгъа бир заманда угъай демегенди. Кесини таза жюрек излемлери кёре Мадина Магометовна ёксюз сабийлеге бла сакъталагъа жандаурулукъ концертле курагъанды, кыарысузлагъа болушлукъ этгенлей турганды, Украинадан бизни республикагъа келген сабийлеге дайым эс бурганды.

Уллу бушуу этип, Чыпчыкъланы Мадинаны юйюрюне, жууук-ахуларына къайгы сез бербиде. Жарсий билген уллу жюрекли алаамат инсанны юсюнден жарык эсгеруле эсибизде сакъланырыкыдыла.

Къабарты-Малкъар Республиканы Маданият министрствосу.

КъМР-ни Маданият министрствосуну, «КБР-Медиа» ГКУ-ну, КъМР-ни Журналистлени союзуну, «Кабардино-Балкарская правда», «Адыг псалъэ», «Заман», «Горянка», «Советская молодёжь» газетлени, «Литературная Кабардино-Балкария», «Ошхамахо», «Минги-Тау», «Солнышко», «Нур», «Нюр» журналланы редакцияларыны, «Къабарты-Малкъар» ВТК-ны, «КБР-инфо» информация агентствону, «Эльбрус» китап басманы коллективлери «Кабардино-Балкарская правда» газетни баш редактору БЖАХОВА Ренета Башировнагъа къарындашы БЖАХОВ Мухамед Баширович ёлгени бла байламлы бушуу этип, къайгы сез бербиде.

Бузукълукъ

Машинасында уа – уулу чулгамла

Россейни Ич ишле министрствосуну Чегем районда бёлюмюно патруль службасыны кыулукъчулары Шалушка элни кыйырында кыулукъларын толтурган кезиуде ол тийреде бошуна айланган жаш адамны эслегендиле. Аны документлерин тинтгенде, ол 23-жыллык Чегем шахарчы болгъанын билгендиле, сумкасында уа порошугу бла жети полимер чулгамны тапхандыла. Аны машинасын къармагъанларында да, аллай чулгамла табылгандыла.

Тутулгъан билдиргенге кёре,

наркотиклени ол Интернет бла сатып алгъанды эм андан ары жаар мураулы эди. Дагъыда аманлыкчы аланы букъдурган жерин да кёргюзгенди. Алайда да полициячыла жети чулгам тапхандыла.

Экспертиза тохташдыргъанга кёре, сыйырылган порошок 11,28 грамм тартхан наркотикди.

Тутулгъанга къажар РФ-ни УК-сыны 228.1-чи статьясыны 4-чю кесегине кёре (Наркотиклени аслам халда жайыу) уголовный иш ачылганды.

КъАСЫМЛАНЫ Аминат.

Учредитель: Къабарты-Малкъар Республиканы Парламенти бла Правительствоу

Баш редактор
КЪОНАКЪЛАНЫ Хасан

РЕДКОЛЛЕГИЯ:
ТЕКУЛАНЫ Хауа (баш редактору орунбасары), ЖАНГУРАЗЛАНЫ Нажабат (баш редактору орунбасары), ТОКЪЛУЛАНЫ Борис (жууаплы секретарь), МУСУКАЛАНЫ Сакнаит, ТИКАЛАНЫ Фатима, ТРАМЛАНЫ Зухура, УЛБАШЛАНЫ Мурат.

ТЕЛЕФОНЛА:
Редактору приёмный - 42-63-01. Баш редактору орунбасарлары - 42-38-21, 40-04-82. Жууаплы секретарь - 40-03-24. Секретариат - 40-93-62. Корректорла - 42-63-52.
Газет Басманы эм асламлы информацияны эркиниклерин кыоруула жаны бла Къабарты-Малкъар регион инспекцияда 2016 жылда 19 декабрьде регистрация этилгенди.
Регистрация номер — ПИ № ТУ07-00118. Индекс - П 5893
Газетни басмагъа "КъМР-Медиа" ГКУ-ну компьютер службасы хазыр этгенди.
Газет "Издательство «Южный регион» ООО-ну типографиясында басмаланганды. Ставрополь край, Ессентуки ш., Никольский орам, 5а

Номерге графикте кёре 19.00 сагъатда кыол салынады. 20.00 сагъатда кыол салынганды.

ГАЗЕТНИ НАМИРНИ ЧЫГЪАРГЪАНЛА:
Таппасханланы Аминат - деджурный редактор, Кучукъланы Сафият, Кетенчланы Зульфия - жууаплы секретары орунбасарлары; Зезаланы Лидя (1,2,3,4-чю бетле), Ахматланы Люаза (9,10,11,12-чи бетле) – корректорла.
Тиражы 1469 экз. Заказ № 1805
Багъасы эркинди.

РЕДАКЦИЯНЫ ЭМ ИЗДАТЕЛЬНИ АДРЕСИ:

360000, Налычк шахар, Ленин атлы проспект, 5
электронный почтагъы: elbor_50@mail.ru